

Te Rau Tira – Te Pūrongo mō Ngā Putanga Toiora 2021

He whakarāpopoto Tū tangata mauri ora

Tū tangata mauri ora – ko te kitenga tēnei hei whakapai ake i te toiora i Aotearoa. Koinei tā mātou mahi o te Komihana Hauora Hinengaro, Toiora hoki, he aroturuki, he kaitaunaki mō te whakapiki i te toiora ki Aotearoa. Ko te Pou Tarāwaho Putanga Toiora o He Ara Oranga te tūāpapa mō tēnei mahi.

Ka titiro te pou tarāwaho ki te toiora mā ngā tauwāhi 12: e ono he tirohanga ao Māori, e ono he tirohanga whakakotahi mō te katoa o Aotearoa.

Nā runga i ngā whakaeminga raraunga me ngā kōrero i kohia i te motu whānui i tūhirahia ngā painga me ngā ngoikoretanga. E whakaatu ana ngā tauwāhi Māori i te tipu o te raukaha ahurea e whakakaha ake te Māori ki te whakatau i tōna ake anamata. Kei ngā tirohanga whakakotahi e whakaatu ana he tino wāhi a Aotearoa ki te noho, engari he nui ngā āputa toiora mō te hunga takaware. E mōhio ana tātou ki ngā tūkinotanga mō ētahi iwi mai i te KOWHEORI-19. He wā ka kino ake ēnei pānga.

Mā te whakamahi i ngā raraunga mai i te tau 2018, ka whakaatu atu mātou i ngā ‘āhua o mua’ e pā ana ki te toiora. Ehara tēnei i te aronga whānui, nātemea me wātea, me puta wawe, e kounga hoki ai ngā raraunga. Hāunga ka noho tēnei hei tīmatanga, i roto i te whai i te ‘āhua hou’ e tūmanakohia ana mō Aotearoa.

Mārakerake ana te kite atu me kaha ake ngā mahi, ā, me rerekē ngā mahi hei whakapai ake i te toiora. Ko ēnei mārika ngā mea e hiahia nei mātou ki te kite, otirā ka tautokona e mātou ngā whakapaipai:

- ki te whakatoka i ngā hua i puta i te urupare a te motu ki te KOWHEORI-19 mā ngā huarahi o te pono tiketike me te mahi tahi atu ki te hapori.
- ki te whakamāmā i te whai wāhi atu ki ngā tautoko a ngā tari kāwanatanga, mā te huarahi whai mārāma ki ngā ngaukino e hāngai ana ki te ratonga kiritaki, kia ngāwari ai ngā whakawhitiwhiti i waenganui i te tangata me ngā ratonga.
- ki te whakahaere i ngā whiriwhiri kōrero a ngā tari kāwanatanga i te taha o ngā hapori e whai wāhi ai te huarahi tirohanga whānui i roto i ngā kōwhiringa kōrero, kia kore ai e pau te hau i te kawae i ngā kōrero, ka mutu kia kīnaki atu ko ngā urupare tūturu ki ngā nawe a te hapori.
- kia kaha ake te kōhi me te tuku atu i ngā raraunga kounga (me pā anō ēnei panonitanga ki Te Kupenga, tētahi o ngā tino puna mōhiohio o te ao mō te aroturuki i te toiora o te Māori mai i te tirohanga ao Māori.
- ki te whakahāngai i te Pou Tarāwaho Putanga Toiora a He Ara Oranga ki ngā tatauranga toiora a ērā atu tari hei whakapai ake i ngā pūrongotanga, ngā kaitūtohu me ngā mahi tiaki kaupapahere.

Hei whakapai ake i te toiora mō te katoa o Aotearoa, ka mahi mātau hei:

- kaitaunaki mō ngā iwi takaware, inarā ko rātou ka tino whai hua ngā whakapaitanga ki te pūnaha mō te hauora hinengaro, te waranga me te toiora tae atu ki te haepapa tuatahi, arā, te rangahau me te tuku tohutohu e pā ana ki te toiora o te Māori me te rangatahi hei whakamahuki atu i ngā mahi a ngā tari kāwanatanga.
- kaitaunaki kia kōkiringia ngā kaupapa pāpori, whānui hoki, hei whakapai ake i te toiora me ngā ratonga o te hauora hinengaro me ngā waranga mō rātou e raru ana, tae atu ki te hono atu ki ngā tari puta noa i ngā taumata katoa.
- kohikohi, ki te whakawhanake me te tuari i ngā ārahitanga e pā ana ki ngā taero o te whakapai ake i ngā rangahau mō te toiora me ngā whanonga, otirā kia tuku tohutohu mō ngā tūāhua hei hiki ake i te toiora o te hunga takaware.

Ki te hāpai i te toiora, me āta nukuhia ngā kaupapa here kia whakaata mārikahia te toiora o ngā hapori whānui o Aotearoa. E piki ai te toiora o te katoa, me ū mārika te katoa o te kāwanatanga, te tūmataiti me ngā hapori. Ka whai wā tonu ki te āta tuku i ngā haumitanga toiora ki ngā hapori, kātahi ano ka kitea i roto i ngā raraunga. Ko te tūmanako ko ēnei māramatanga mo te toiora ka ārahi i ngā tāngata e whakarite e whakatinana ana i ngā kaupapa here pāpori kia tohua ki hea tuku ai i ngā haumitanga.

